



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

Organ Shqyrtues i Prokurimit (OSHP) Rruga "MIGJENI" (ish-Banka e Ljubljanes) Kati V-të, Prishtinë, Kosovë
Tel: +383 38 212 309 e-mail: oshp@rks-gov.net

PSH. nr. 2026/0442

Në bazë të nenit 105 pika 1 dhe 2, neni 108/A paragrafi 7 dhe neni 109 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të kërkesës së datës 29.06.2026 për tërheqje nga ankesa e parashtruar nga OE "Toni O.P" e datës 29.06.2026, lidhur me aktivitetin e prokurimit: "Furnizim me aparat fotografik" me numër të prokurimit; 207-26-2057-1-3-6, inicuar nga autoriteti kontraktues (AK) Ministria e Kulturës RS dhe ÇJK, Paneli shqyrtues në përbërje nga Isa Hasani - kryetar, Kimete Gashi dhe Vedat Poterqoi-anëtar, me datën 08.07.2026, mori këtë:

VENDIM

1. Aprovohet, kërkesa e datës 29.06.2026, në ora 15:13 minuta, e parashtruar nga operatori ekonomik OE "Toni O.P" për tërheqjen e ankesës me nr. 2026/0442 e datës 29.06.2026 në ora 15:13 minuta të parashtruar për aktivitetin e prokurimit: "Furnizim me aparat fotografik" me numër të prokurimit; 207-26-2057-1-3-6, inicuar nga autoriteti kontraktues (AK) Ministria e Kulturës RS dhe ÇJK.
2. Autoritetit kontraktues – Ministria e Kulturës RS dhe ÇJK, duhet të presë deri në vendimmarrjen nga OSHP lidhur me ankesën nr. 2026/0443 e parashtruar nga OE "Toni O.P", për aktivitetin e njëjtë të prokurimit me të dhënat si në piken një (1) të këtij vendimi.
3. Meqenëse parashtruesi i ankesës OE "Toni O.P", është tërhequr nga ankesa 2026/0442, por për të njëjtin aktivitet të prokurimit ka parashtruar ankesën tjetër me numër protokolli 2026/0443, andaj pagesa e tarifës së sigurimit për ankesën me numër; 2026/442, nuk i kthehet por shfrytëzohet për ankesën me numër; 20260/0443.

Arsyetim

Operatori ekonomik "Toni O.P" me datën 29.06.2026, ne ora 15;13 min, ka parashtruar ankesë në OSHP me numër; 2026/0442, lidhur me aktivitetin e prokurimit "Furnizim me aparat fotografik" me numër të prokurimit 207-26-2057-1-3-6, inicuar nga autoriteti kontraktues (AK) Ministria e Kulturës RS dhe ÇJK.

Operatori ekonomik "Toni O.P" me datën 29. 06. 2026 ne ora 15;13 min ka njoftuar sipas sistemit e-prokurimi se tërhiqet nga ankesa me numër; 2026/0442, lidhur me aktivitetin e sipërcituar të prokurimit.

Ndërsa i njëjti, operatori ekonomik "Toni O.P" me datën 29. 06. 2026 ne ora 15;13 min ka paraqitur ankesën tjetër nr. 2026/0443, lidhur me aktivitetin e njëjtë të prokurimit të sipërsënuar.

Zyrtari përgjegjës i Organit Shqyrtimit Publik, me datën 01.07.2026 përmes emalit, ka konstatuar se në sistem e-prokurimi nuk ka të dorëzuar ndonjë akt ekspertizë të ekspertit shqyrtues për këtë ankesë nr;2026/0442 dhe është e paguar tarifa për sigurimin e ankesës, ndërsa për ankesën nr.2026/443 nuk e ka të paguar tarifën e sigurimit të ankesës.

Me rastin e informimit lidhur me veprimet e përshkruara si më sipër, Paneli Shqyrtues mori vendim për aprovimin e kërkesës për tërheqje nga ankesat e OE-ve ankues duke i lejuar AK që ta vazhdojë aktivitetin e prokurimit (i përshkruar si më sipër) nëse AK nuk ka ndonjë ankesë tjetër për këtë aktivitet. Krahas kësaj po ashtu duhet theksuar se efekti pezullues i ankesës në kuptim të nenit 112, paragrafi 1, të LPP sipas të cilit dorëzimi i një ankesë e obligon AK që automatikisht ta pezullojë zbatimin e aktivitetit të prokurimit në rastin konkret duhet të largohet. Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore në këtë fazë, pa nevojë që të hapet faza e vlerësimit meritore nga paneli shqyrtues lidhur me këtë aktivitet të prokurimit, sepse mungon objekti ankimor (ankesa është tërhequr) dhe elementet qenësore të ankesës sipas nenit 111 të LPP;

Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore para OSHP në këtë fazë dhe lidhur me këtë aktivitet të prokurimit, për faktin se:

- a) mungon objekti ankimor dhe elementet qenësore të ankesës sipas nenit 111 të LPP;
- b) ankuesit, i mungon statusi i palës së interesuar, sipas nenin 4, paragrafi 1.26 të LPP.

Në këtë rast duhet theksuar se në kuptim të nenit 13, të Ligjit për procedurën e përgjithshme administrative (LPPA), secili person ka të drejtë të ushtrojë mjetet juridike kundër një veprimi apo mosveprimi administrativ të organit publik që i cenon një të drejtë apo një interes juridik. Kurse në kuptim të nenit 109, paragrafi 1, të LPP, po ashtu parashihet se çdo palë e interesuar ka të drejtë të

parashetrojë ankesë pranë OSHP. Mirëpo, në kuptim të parimeve bazë të legjislacionit, posaçërisht parashikuar me dispozitën e nenit 93 të Ligjit për procedurën e përgjithshme administrative, kjo njëherësh kjo nënkupton faktin se çdo palë e interesuar ka të drejtë po ashtu ta ndryshoj (plotësoj, përmirësoj, precizoj) ankesën dhe po ashtu ta tërheqë atë. Në fakt, Paneli Shqyrtues ka konfirmuar faktin e tërheqjes së ankesës, bazuar në veprimet e palës përmes publikimit të tyre në platformë përkatësisht faqen zyrtare të sistemit të prokurimit publik, prandaj nuk gjeti arsye për të vepruar në kuptim të nenit 110 të LPP andaj janë krijuar kushtet që procedura në këtë çështje juridiko administrative të përfundoj në kuptim të nenit 97 të LPPA.

Megjithatë, Paneli Shqyrtues i vë në dijeni AK, në çdo aktivitet duhet të veproj konform dispozitave dhe autorizimeve ligjore siç parashihen ato me nenin 1, 6, 7, 27, 28, 59, 60, 65 të LPP-së.

Operatori ekonomik “Toni O.P” për aktivitetin e prokurimit : “Furnizim me aparat fotografik” me numër të prokurimit; 207-26-2057-1-3-6, i ka paraqitur dy ankesa; me numër 2026/0442(e tërhequr) dhe ankesën 2026/0443(aktive), dhe e ka bërë vetëm një pagesë për tarifë të sigurimit të ankesës, andaj të njëjtit nuk i kthehet tarifa e paguar për sigurimin e ankesës, sepse ajo do të shfrytëzohet për ankesën 2026/0443.

Prandaj bazuar shkurtimisht në të lartcekurat, Paneli Shqyrtues vendosi si në dispozitiv të këtij vendimi.

KËSHILLË JURIDIKE

Kundër këtij vendimi nuk është e lejuar ankesa, por pala e pakënaqur me padi mund t’i drejtohet Gjykatës Kompetente për anulim vendimi në afat prej 30 ditësh nga data e pranimit të vendimit.

Vendimi t’i dorëzohet:

1x1 AK

1x1 OE ankues

1x1 Arhivës së OSHP-së;

Isa Hasani
UD. Kryetar i OSHP-se

